

原序

吾南林黄氏世谱自道光甲午年经南村公修辑越五十年为光绪乙酉族众以续修谱事集议会邑仲福公支草谱已行刊刻予始得及月溪兄检修之失曙之不能历久而不修与谱之不能有合而无分亦其时势之恒而惟一本之亲为万无可分之理而即巴分之而仍必求其合此诚有待于仁人葶子之所为也夫我族自翕庭公由本邑营田徙居此地历世约及二十世顾吾不知此二十世中年数奚若而其功名事业忠孝廉节泯然弗彰即生诞亡辰失考者十之八九兹距乙酉之修垂三十载于是追溯所自从玘公始因为详及先世科名仕宦与孝弟忠义贞烈之有可表见者而又列以始迁祖为一世准乎别子为宗之义推而至于百世皆然夫由始迁而上溯文节公文章德业为有宋完人元虞氏集跋双井黄氏谱美其诗书之泽涓涓若江海之流诚使后世子孙不忘先泽笃念宗盟联疏者以亲支分者复合不至视亲尽如途人传曰尊祖故敬

宗敬宗故收族然则先人之遗泽不亦垂萌於无即乎顾靡贷尤有所深慨者当吾乙酉续修之日是时世运承人文蔚起衣冠多士入庙趋险会几何时而民国花兴沧来朝市昔之所为同事若父事兄事子之弟之者多为泉下物惟赞子然独存以七十垂老之年军而精力未甚衰预复得取乙酉谱与巴邑宗先生年审而合修之不得谓非祖宗在天之灵有以荫相面默佑之也不然以今天下之大时局之变火轮枪炮极肆以罷我奇枝淫巧多方以诱我楮币泉刀无端以要我蠹贼内江烽烟告警疮痍遍野民不聊生亦安所得耕田鑿井聚族于斯载笑载言欢联昭穆相与敦行苇而賡莫远具迹之章也哉于是既乐其生而复幸谱之有成也故为推论之如此

中华民国五年丙辰季春月中瀚谷旦
十五世裔孙靡赞萃蔚谨序

原序

谱牒之作所以传言而不传疑者也若徒凭臆见杜撰剿袭俗说铺张浮词即欲信今而传后也得乎尝见世之修谱者鲜不攀援仕宦附会名贤动曰渠某祖即某王公之支派某卿相之箕裘也臆是殆欲引而为家乘光不知祖若有灵且含羞泉壤矣自古公侯崛起未闻累世簪缨豪杰挺生不必绳承往哲是宜各祖其无容旁搜远引也明矣我族自汉文繆公香以宦籍由江夏来湖南为湘南黄氏祖之始今省垣有故并及孝顺坊遗迹存焉越数十传历宋有庭坚公谥文节公者生子相相生熙熙生朝汶汶迁平江九峰其子宗忠迁湘阴营田长子益廷生琴琴复由营田徙居汨北之南林冲瓦子塘是为南林始迁祖嗣是子姓繁衍书香络绎建祠宇置祀田家声仍未坠也而谱牒之修肇自乾隆辛卯次山公善写手辑至道光甲午南村公始克重修付梓家乘为之一新距今垂五十年矣使不续修以纪之将何以垂久远裕后昆哉岁光绪甲申秋月族众一心爰奉湘玉茂方及洲人局掌理修辑至乙酉仲夏

告厥成焉自兹及往由一本而遞衍之昭穆分伦纪序
思谊明虽时移世殊而所以传之者若纲在纲如镜鑑
物岂不彰明较著可以传信而无疑也哉是为序

时大清光绪十一年岁次乙酉孟夏月上澣谷旦
第十五派孙萃洲月溪氏谨识